

文谷漁姑稿

甲戌萬曆二年

歲初拈筆

甲子周來又十年老夫幾已是神仙
苒渾無著方外逍遙略有緣海運鯤魚壺腹
裏山生芝草鑊頭邊爲漁爲圃非爲學剛曉
商華第二篇

元夕

銀漢寫天空玉繩牽夜永庭虛華月流輻湊
春燈耿徙倚澤中腥婆娑照孤影歡遊事如
昨衰健今難併聞樂忽成悲臨觴自爲哽含



心煙紛紛達曙誰能整

雲川和

青玉五枝燈曲瓊懸夜永高堂邃宇間一刻
千金景火樹汎光華銀蟾流素影燕歌宛轉
齊楚舞聯翩併長笛韻悠悠洞簫聲哽哽上
公非賞心此夕其誰整

喜雨十韻呈華山公

省歲春維暮含生化欲時言興憂旱惻載始
望靈祈明信無煩禮幽玄有洞知石雲在十
合膏雨應全滋野色浮新綠埃密淨故

群姑隴上鳩打拂林垂脈酒奚堪祝軒播自
可隨藟畝盡南風塵笠滿東陂溥矣承君貺
俄然及我私歸心渺難寄祇詠大田詩

寄懷陳抑菴中丞用見憶韻

德星移茂東南永政日雷棠此地春愛樹共
思民社主傳書多倚鴈鴻賓碧鷄金馬敷文
過翠水坊山結社新我欲往從槎在壑太宵
何處可通津

柳菴寄

舍齊堂前桑已挺桃花洞口日增春閉門幾

著潛夫草下榻常留孺子賓醴酒慙慙君念
舊鱸魚興減我懷新冀天浙水相惆悵何日
驅車再問津

讀湖南社稿緬懷抑翁

湖山往處可誰知獨有仙群玉洞姿白社向
來蓮作偶高林今與竹爲期留侯老子耽黃
石角里先生愛紫芝曾是德潛光愈奮許教
明主借康時

春暮聽西臯談遊武擔之勝

覲岳南還春較過猶言佳賞憶仙阿瑯霄玉

磬流丹壑絳館瑤笙散碧蘿柳葉金垂魚口
綠江華綠泛鴨頭波我家寒雪消纔盡曲水
無觴沂永和

園居清夏二首

芳草沒行逕薜園新雨餘紅香散烟薄翠色
含晚虛踏閣疑嵐嶺凌風寄蕙裾息陰聊爾
耳捨此復焉如

嬌青映階色繁綠展庭陰花下春餘幾鶯邊
夏漸深疾夷群品暢老盡二毛侵空谷無人
采幽蘭時一吟

清和曲

春衣換盡百花飛
越羅錦帶飄晴暉
晴暉散作清和節
梨雲柳浪融香雪
清氣墮天濛雨
絕和光撲面煙霏
熟玉勒驕嘶匹練
曳娥眉巧笑千金
折日輪西轅紅塵
滅醉偃流黃月
華裂

四月八日即事

風土相沿佛日嬉
北谿山社古叢祠
棠梨作雪籠香案
楊柳和煙颺酒旗
藉草競分如錦地
攀花爭向最紅枝
太平野老奚能默
小飲

低垂白接籬

題崇文書院

瑤天玉樹總成行
文苑金枝更結芳
閣星熒書葉燦臨池
露浥翰花香鄭玄
析理宣儒術劉向
脩辭表漢章
宗主丁寧上乘義
親題銀榜重琳琅

四月廿四作天真會於嘉樹園分韻才
字二首

徂顏久予覺今日
爲誰開喜動門前
柳榮增庭上槐陶
嘉在三徑望美得
同來若道無名

欲天真任散才

銷憂事伊始沈抱忽已開香雨生紅藥柔飈
轉綠槐宴憑嘉樹下盟合素心來白首無天
伐何慙處不才

送李西渠通府署汾畢事還路

五龍高郡出浮雲一鶴清風借與汾月在冰
壺同亮采雨隨芝蓋下晴曛舊疆還守車仍
邁新館畱行袂竟分東望迢迢盡烟樹可勝
嵐嶺復氤氳

病起看榴花

抱瘵已空桃李月開顏尚及石榴華衰年定
得餘生幾芳緒猶期一日加艷采凝杯卅是
液繁英簇帳絳爲紗婆娑白髮慙珍樹莫作
仙翁弄晚霞

五日宴王相呂公二首

去日冰未泮來時花已紅奄觀時節換猶喜
宴言同佳辰適重午歸筵列芳樹相勸倒金
尊相歡贈絲纒去仕得官閒恬茲散淡班君
王愛文學叢桂方追攀

驚心大化速推遷又見端陽一縷牽朱畫鬼

符兵劫後青懸病草藥王前愁聞鶉鳩吟斜
日笑酌菖蒲助小年何事三閭厭人醉定應
漁父識其偏

詠山房紫竹簾一首

雀網夕當敞筠簾今乍垂文驕青瑣纈質勝
紫絲帷避熱節朝旭延清逗夕吹瀟湘秋一
片惟許月明知

仲川輔國見訪樹園

槐風汎綠帶新涼榴火燃紅艷曉光遂見列
筵紆組練還隨飛蓋繞林塘谿雲乍喜遊龍

山月仍愁別鶴翔豈是孔融能好客從來
載酒說淮王

翠虛亭

群木滿韶夏孤亭積翠芬色綠空自映香以
靜成薰篔簹展青瑤織書翻碧落文琉璃曉光
泯無處著浮雲

六月社會

嘉月催教作會頻那能撫景不陶真平生轉
眼寄行路何處同心有比鄰止影樹同青篔
穩怡顏華沼碧筒新相看盡帶烟霜氣似是

喬松隊裏人

觀謝榜仙山水畫障

謝仙圖海嶠神理浩無涯石壁表天翠霞標
暹日華瀟長烟是岸村杳樹為家絕頂千巖
小虹梁一徑斜

答方君見訪

久知窮巷無車馬誰信空林有足音
好客如從雲外至幽人却訪谷中深
相畱麥飯慙鷄黍自晒荷衣對絳簪
閑為先皇求道日幾逢青鳥玉山岑

雨後與鄭鶴菴

客坐亭中好風來雨後清
垂簷涼葉振出沼淨花明
家食隨村野鄰臨寄性情
論交詎云薄終以淡然成

七夕自解

巧節胡為爾愚公袖復蠟多應天上事不與
世間期烟道騎靈匹泥塗老鈍姿鷓橋風未
耐殘室雨翻宜真幻能誰辨仙凡可自知
蕙樓紛下案芸圃暗松帷曙色催行速涼光助
寢遲瑟琴長在御鷄犬亦相隨
河漢原無望

何曾苦別離

西岡草堂

西岡草堂西澗邊窮僻無如此地偏村語夜
高傳谷響鄰炊家少淡墟烟傷心古木形容
老過眼浮雲歲序遷大是野僧聊寄泊休猜
蔣詡默林泉

題先壟碑後

琢取青珉一片雲勒銘爭得九泉聞山川有
意牛眠壟日月應閑馬鬣墳呵護總憑翁仲
氏歸來時想令威君蔡跌螭首蟠松路佳氣

長留紫翠氛

贈李劍州礪溪於生日作

半刺三年坐劍州一封初服返林丘巴山昔
雨西窓夜勤國高絃小洞秋名勒潼君青玉
案身閑漁父白蘋洲地仙難老分明覺綠酒
燕頰映黑頭

壽柳川小村二翁

生長才平代蟠然鶴髮翁宗器良比石奕葉
自分桐珪組閑朝謁圖書羨會通買山藏窈
窕蓋屋結蒙籠學隱真成遜叅玄遂解空卧

遊黃竹外坐嘯白雲中頗駐曦和日身輕禦
冠風傳經續劉向作賦擬揚雄嶽秀文兼質
天扶老復童華秋屬初度高宴集群公青鳥
啣芝碧朱霞映酒紅卜年椿共大延景桂多
叢今我將何祝南山正鬱葱

王李時熟親知多所見貽賦此奉答

名園佳李冠時新百顆爭傳席上珍帶露摘
來空碧樹含漿分得冷瑤津金門漫羨偷桃
客蔥嶺還推證果人欲報却慙無一物擬收
瓊葉雪中春

南山於生日作

豈止不是等閒要寫南山壽一杯題軼
驂五馬去投簪早就白雲迴明農歲取芝
熟採子時看杜苑村只此百年平地好無將
尚起望仙臺

山間秋意社會作

菊未開秋一葉先物華老圃覺澄妍芝英亂
花秀爪蔓平鋪翠彩圓玄露正堪中夜
氣白雲能得幾人憐社翁來款長松下共對
西山氣爽然

采蓮曲

江南采蓮女，綠水芙蓉衣。玉腕黃金約，蘭橈冷翠圍。攀花恨紅淺，愛葉怕珠微。共蒂者誰子，薄游方未歸。

奉酬靜川諸公見枉

祥飈吹下綠雲車，却枉山人背郭廬。琪樹綵毫連夕照，鈎天韶響落晴虛。盤收火棗花間後，杯寫金莖露滴初。大是道緣嘉此會，歡覺與世間殊。

玩池荷作

鏡光秋水澗，紅蕖無限清。華入草廬多，露獨知殘暑。退微風尤覺，早涼虛玉壺。澈骨銷塵夢，金筍開心諷。道書孤景自將成，絕俗寂寥誰問子雲居。

龍洲公惠宴用韻奉酬

高筵華組拂林開，秋氣涼雲薦爽來。碧葉芬敷雙玉樹，紅漿流轉百瓊杯。堂中畫錦森長戟，座裏星文映上台。只恐鴻飛宴闌後，天功久已佇鴻才。

北野談老病多愁作此解之

老來多病復多愁自是浮生下落頭秋到有
林皆墜葉雨中無水不浮漚孔顏樂處三光
並堯舜心田萬古畱細說與君君未信直須
歸卧酒家樓

寄贈張蘭池二尹

哦松大邑政優閑飲水三年帶笑顏道骨未
升從吏隱聖功將滿列仙班故人在野能相
問高義凌霄迥莫攀何日移車向州郡面談
秋水白雲間

呂山人來自上黨潘國諸王俱見存記

賦謝一首

高雲龍嶺護雄藩東望峒堯不可援好客每
開叢桂苑題詩多在綠筠軒南金擲地聲全
振秋水連天氣欲吞本自

聖皇隆大雅最宜文德滿王門

上鎮康王

西瑤玄館布瓊章散作卿雲五色光寂歷暮
山渾照澈蕭條踈樹總含將鶴諧亮節笙邊
舞魚樂希音鏡裏翔獨是七襄無可報太霄
頂禮意徬徨

八月十五日喜雨東至二首

中秋今夜月萬里故人同遠駕心如許前言
 事豈空暗枝翻喜鵲明水下遵鴻促羽金波
 駛高林間曙鐘
 中庭華月滿左界銀潢斜下馬南州客開尊
 北海家青囊迸璫藻玉齒噴金沙賞會歡應
 別攀留思更賒

八月十六日和甬東見壽之韻

既望生辰七十年停杯自笑月明前容輝漸
 是今宵耗營魄剛存昨夜圓絳縣山人林下

光亦城霞似庄中仙相將止休陶然計誰把
 盈虛更問天

壽西谷翁

朱門先達道為尊白首論交夙好敦
 連三月鹿芳筵茂對百花繁盤中果薦瑶池
 熟袖裏書傳玉洞言帝曾有仙誰得似只應
 王子在蓬崑

西阜宅陪宴節使龍洲公賦得中厨出

豐膳

中厨出豐膳延此文翰賓露氣潔高天日華

明珮紳諸生咸列坐藹藹席上珍秀藻布芬
絢光香凝翠茵全尊數斟酌絲竹催轉頻俄
景見卿月垂輝荆與榛嘉招具今夕歡樂難
縷陳

社會分題得中秋對月用高字

盈盈皎鏡照秋毫自是孤懸碧落高映樹滿
塔流玉藻橫河一水抹銀濤明光白地衣裳
冷遠影空關夢寐勞寄語社中來共對皓華
堆裏絕塵氛

和甬東園中偶步韻

涼葉灑天籟惟應靜裏開幽人在空谷誰復
根中青散步巡叢桂浮蹤笑聚萍知君素心
者無忽此山靈

調呂山人見題蘭雪堂二首

幽蘭空谷秀白雪陰岡屯湛宇攬香案清魂
欲飛翻懷人隔瑤島有酒開玉尊終日坐沉
默焉來方與論
一丘聊寄泊歲月稍已深漸少適俗韻猶多
求友心上花沈屐迹風葉滿庭陰不有同懷
侶寂寥方自今

貞節詩爲林臯姊太君作
名與節相因蓋棺評始真神霜冽孤操娥月
皎同倫桃落車猶肅鸞飛鏡豈塵寓形誰不
朽只有栢舟人

荅林臯蘭軒雨中見過

昨雨復今雨蕭條秋氣深半黃生冷樹輕黛
抹孤岑老盡王孫草單棲野雀林微君好幽
素應負歲寒心

荅甬東見喜生子

老蚌生珠日原蠶結繭時夜光猶可照寒服

尚堪被兄喜添新弟翁憐有二兒太鈞良有
意世事本無期

贈林臯宗尉一首

威鳳來碧林華彩何離離丹霞照秋水野草
蒙光輝雉鳥鳴澤中臞儒多委遲虞淵獲希
遺神秀與我期翩翩王子晉控鶴下庭陞對
月吹玉笙臨風遺紫芝高音絕繁響大藥回
衰姿奇氣凌九秋異香紛微微豈曰耳目矣
天地亦清夷變懋若干載再晤知何時恨不
化爲鶴與爾長相隨

沁太妃令誕

帝子承顏奉淑慈彤闈宴喜學瑤池曾來青
鳥下庭際正熟蟠桃出海時舞綵袞衣千乘
貴助齡天酒萬年宜封人亦有南山祝曠望
金華寄紫芝

壽王相呂礪溪

秋深朱邸逢初度人與黃花笑獨妍極目水
波寒葉外放形鴻影夕陽邊登臺酌醴崇今
宴授簡陳詩抗昔賢鞅掌局中多遠老寧知
開散足延年

九日借諧公登平霞館用臺字

翠宇凌空雙樹臺青霞成綺絕氛埃谷中幽
賞佳辰應天外晴坐好客來萸紫代簪從落
開菊黃浮醴任盈杯悲懼古往俱陳迹今日
何慙笑口開

九月廿三日同爾東竺陽少山禹麓郊
行至一僧舍少憇

散步出林間道遙信所如數家山郭外一處
野僧居茅結懸霜磬蒲團坐露除菊花惟欠
酒貝葉故多書茶帶樵蘇氣齋分烏雀餘佛

香流冷淡梵唄繞空虛
縉性翻成妄真心到
復初看他悶寂寂慙我困
遠遠把袖咨同調
將何遂起予

西齋玉華園觀菊

霜壓槿籬白風梢榭葉聲
衆青隨見悴微綠
轉抽榮孰是觀無始聊因
解達生賢人當閑
塞幽卉表堅貞素質比雕
玉紫英如鏤瑠黃
溥金粉澤紅抱火齊精正
色寒光互妙香玄
氣并開軒悅叢秀置酒延
列英張組露臺靜
濯纓秋水清飛文澗葱蒨
逸思浩縱橫滿插

日路傍行
九華節猶中
年歲盟看花那
不有春

和胡山人畱別一首

寒雲兼落葉老景並侵尋
非復草廬意寧爲
樂父必甕酌新秫酒牀挂
沒絃琴薛罍迷三
徑荆扉因一岑獨行方念
侶高士適投林塵
榻乃雙拂水壺送屢斟
芝蘭敷秀藻水月湛
靈心不曳虛堂履安知
空谷音宵譚曉星墜
朝宴夕陽沈只擬長携手
那堪促別襟暫離

傷歲晏重款遲春深種得庭前竹來時綠正
森

金蘭詩社宴集

茂苑依靈囿崇基闢雅堂名因斷金利義取
沐蘭芳瓊樹標時哲瑤華炳日章二南麟趾
應五彩鳳毛翔多暇延耆舊同聲奉 睿王
寒香霜葉重清繞月枝長朱芾多歆向青袍
老段商良由機在範逐使化彌光本自圖書
府分爲翰墨場當知正四國題此記宮墻

詠甕頭春四首同出山人

無長策得句常疑別有神却是黃
花解人意等閑釀出甕頭春
暮雨空林落木愁夢魂飛上酒家樓東皇似
管人顛顛早遣風光到甕頭

甕頭春汎海波紅無數桃花落曉風三十六
宮何處是大家同跳一壺中
大家嘗取甕頭春百味無如此味真若使生
宮阮公世竹林笑止七賢人

十月東華館會

孟冬文酒社半兩夕陰園氣爽聞天籟心閑

淨俗喧籬踈黃菊淡樹挂白雲繁晚節佳如此何慙我所敦

贈楚鶴

踈樹半黃落寒蕪方綠沈空山逢旅逸僻逕見招尋濁酒開新甕高歌聞素琴論文定傾蓋棲止期共林遊子念歸路他鄉多苦吟無何袂就判翻長一離心

送呂山人東歸

悵別休看陌上蓬翻飛不定與心同條堪繫馬槽偏短鴈好傳書畏落空界道白雲千疊

樹連天青翰一帆風玉龍錦帶寒光結挂向丹霄牛斗中

送陳生伯梓

翩翩公子桂林枝再別西河使我悲染翰每看心正處論文多坐夜分時仲容天與青雲器子禮人稱黃紉辭歸到鄉園憶今日霜前曾飲菊花遲

山房憶呂逸人

海隅人去竹房空庭樹銷殘一夜風搖落豈堪離折後徘徊偏向寂寥中久知大塊爲傳

舍何惜浮生似轉蓬爭是有情除未得百年
鼎鼎意無窮

送龍洲公還京

銜命桐封建國楨奏旋星駕守嚴程經臨頓
改山川色咨訪兼知郡邑情鳴珮入朝光九
列揚庭展宋動群英自天殊寵君宜奉廷咏
康哉贊世平

水南公登年六十

高才仕州郡芳譽廣前脩薦剡屢不報一往
歸林立吾道適當隱知命復何憂振衣白雲

表長嘯青山頭回首顧埃壙華簪誠足投雍
容多歲月六甲俄已周先師稱耳順心聲相
與謀看君泄神理真乃聖之流昔酒發嘉旦
朱絃揚妙詠客獻靈椿頌海進萬年籌匣內
三尺水盈盈涵斗牛庭中叢桂樹勃勃月宮
秋持此運天壤屬言公與侯

東谷翁乞題五表

大齡今半百懿行已三千鴻寶成書日龍文
鑄鼎年冰桃形似斗雪鶴勢如仙我奏南山
曲都來向壽筵

仲冬巢雲館圍爐

嚴月虛堂積霰微
高年社會樂晴暉
煖煙紅桂金爐藝
文綺青樽玉案圍
野鶴在群離世網
閑雲何處起塵機
宴闌踏暝分燈去
猶似蓮華寶炬歸

贈趙陽谿出守保寧

十年仙署遠分麾
正是文翁出守時
疊嶂映惟生彩翠
空江隨纜湛清漪
岷梁積阻專城重
蜀漢連聯沃野滋
安阜自將成禮俗
德風流衍頌聲馳

九日西園宴壽

丹霞夾月揚清輝
翠蓋延賓惠好敦
座上吹笙鶯倚徙
階前起舞鶴翩翻
夜闌移款紅萸席
衆賓催添綠玉尊
獻壽九華無近計
萬年茅土朕名藩

謝蘭軒携酒見訪

誰居歲當晏朔氣良已深
夕吹響乾葉朝暎變成陰
掩扉悟言絕隱几方沈沈
不有青霞侶一尊誰見掛

林間冬日二首

西日淡餘暉空林獨掩扉採薪雲處有送炭
雪中稀雀網成踈箔牛衣賽煖幃誰知結茅
地亦具首山薇
冰色已凝澗巖雲凍不浮林深滿空靜歲晚
足淹留倚樹高千尺編茅小一丘向時猶覽
卷今與筆俱投

對雪

同雲鬱不開密雪灑輕埃龍井方燒液羊羔
正噉酷絮沾門外柳花度嶺南梅寄語招尋
客無然戒興迴

蘭玉堂用壽有園自詩

發祥高岳秀濟美大川頊德劭河間禮才兼
鄰下名金昆聯玉女璧采煥珠英初度臨長
至一陽光太清壽徵占道泰福應叶時亨庭
啓瓊瑤席山開紫翠樓西池朱果獻南斗綠
書呈綽約陽阿舞窈穉子晉笙麻姑新釀熟
借取百杯傾

冬日謝蘭社諸公枉駕

冬緒誰爲款惟應松桂心清成一室悟靜入
四簷深破暝焚蘭上延宵坐漏沉相將意無

限所保歲寒陰

贈鄭鶴菴林臯清尚

方當曳裾日遠是拂衣年清尚何其遠知幾
固已先撥雲開舊隱斫石種新田菴放巢松
鶴溪牧上水鱸飲中叅草聖靜裏作枯禪筆
湧山河氣門高商段賢道存爭健羨學古尚
覃研宴襲元正醴經傳鄭氏箋蔣生猶有徑
楊子獨成玄世事誠難料惟應此計便

西臯壽日詠言用韻二首

朱筵高舉玉杯三碧海冰漿味正甘頌魯詩

中身守身祝先語裏元多男人間羨福渾兼
飲世上浮名聊不負五十年來附仙籍大器
今日好清詞

芝房神草秀來二天酒闌花分外非假我壽
杯歌萬壽美名男子走奇男雄才倚馬高能
感盛何如龍老更貪遺落世氛須盡醉等閑
紫瑛自休斯

寄馮子漢試字秀汀

終知劫壤帶登薦符竹生將試理人花露近
天千樹好麥秋盈句雨岐新朝迴吏肅鳧初

下野闢童嬉雉正馴才羨詎須論
編邑行看小徃大來伸

宴坐一首

夏氣晝方永鳥飛人跡稀
花林結芳郁香色滿晴暉
寢瘵忽無悶開心獨依依
篇章久蕪廢罇酌與我適
今日復思整誰能空掩扉
揚巾拂瑤席延賞坐霏微

蘭軒君乃堂壽

祝釐北堂上獻壽南山前
六甲周星紀九華成洞仙
元符重啓運昌曆再承乾
紫府歛

英... 珍米... 大慈... 諸... 靈... 瑞... 文... 友... 賢... 曾... 參... 侍... 饗... 日... 萊... 子... 舞... 衣... 年... 金... 身... 恍... 如... 斗... 麻... 姑... 酒... 似... 泉... 端... 為... 仁... 孝... 助... 德... 社... 萬... 聯... 綿

汾西先生華誕六旬

... 志未... 備... 餘... 佳... 景... 在... 林... 丘... 塵... 沙... 脫... 三... 下... 翠... 烟... 月... 行... 吟... 六... 十... 秋... 靜... 影... 古... 松... 長... 似... 心... 空... 水... 不... 驚... 鷗... 遊... 人... 野... 老... 西... 鄰... 住... 獨... 喜

和石巖暮游

謝劉汝清見訪

餘雪滿荒徑林茂背郭幽足音過苦竹心賞
得同游溫款然爐共清言緩帶畱柴桑居止
近無事數相求

正月十一日雪二首

種石編茅持世荒不知何處有春光今年似
荷東風力吹送雪花間雨香

歲交冰泮雨猶遲白雲陽春信有之昔日少
年今老去小窓透似映青時

題輝上人壁室二首

古崖蒼壁阿一片閑高僧借取作禪關真成
下能消宿正是巢山不買山
三十年來兩壁身也無歡喜也無嗔傍人不
解何清靜只道幽居少客塵

田家畱客二首

身爲野田叟尚自好畱賓莫苦茅柴薄山中
只此春
無蒸無兼味村醪近可沽綠烟黃柳處好鳥
叫提壺

輓歌詞四首送堯川君葬

厭世消搖離垢氛重淵杳眇隔層雲多情泣
盡惟沾臆總有悲聲怕不聞
懷君萬恨結孤墳玉箸縱橫馬鬣文生死到
頭原共路不應早已見離分
心期欲達命期愆朝露珠沉雨落天埋玉未
應成寂滅青袍青草共生煙
梨花柳絮亂離春苦雨淒風愁殺人君到夜
臺如夢覺也應回首重沾巾

題王龍池園圖十六首

成趣園

初由趣攝園已乃園成趣有待猶爲煩冥觀
無待處

遂初堂

揚帆吳楚甸總轄岷梁墟信美非吾土茅堂
成遂初

黠易臺

韋編三絕後神理六虛前多少歲農意都從
一筆圓

百花臺

春城豔綺純處處與花攢野老渾閑事風前

一笑看

巢鶴山房

吾廬白雲裏人跡故應稀
賴有松千尺廖天一鶴歸

娑娑亭

嘗聞漆園叟倚樹閑娑娑
今日青林下息陰當夏多

清冷軒

青天落層檻下壓清冷淵
靜夜月華滿珠游神女邊

遊光處

朝長已窺夫游來拍甕歸
機事談已少畦苗當獨肥

長春洞

玉洞洞天後會將太古春
桃花長貼水瑤草蕨成苗

丹臺洞

荏苒異粒喚交花銜玉卮
國香隨處好休道洛陽時

君子居

脩篁蔭空幽青翠鎖庭深自是仙人館瑤天
帶玉林

仙陬

羽客住丹丘福庭能久留誰知姑射墅大是
列仙陬

流觴處

藉草席瑤青觴流寫醪醴非由蹈陳迹自有
一蘭亭

涵靈池

湛澹靈池水有龍當自深共看雲起處去作

餐英飲露

幽人愛蘭菊拖露吸其英怪底顏容好多應
世味輕

鄧林一枝

衆林自不朽度洲尚可追至今凌例景還是
鄧林枝

一泉宗尉山莊四首

龍蛇成大澤雀鼠帶前川芳草王孫道來耕
綿上田

洪山總蒼翠石樹凌超忽中有玉笙仙吹墮
瑤臺月

湛湛石桐水泠泠似我心虛亭坐相瑩涼竹
鎖清深

林宗不可見卜築愛遺閭霞表清風至滿堂
生翠虛

甲戌稿終